

## ՀԱՇՎԵՏՎՈՒԹՅՈՒՆ

ՀՀ քաղաքաշինության կոմիտեի նախագահ Ավետիք Էլոյանի՝ 2018 թվականի նոյեմբերի 27-ից 28-ը Ռուսաստանի Դաշնության Մոսկվա քաղաքում կայացած ԱՊՀ անդամ-պետությունների շինարարության ոլորտում համագործակցության միջկառավարական խորհրդի հերթական 38-րդ նստաշրջանին մասնակցելու նպատակով գործուղման արդյունքների մասին

**1. Անունը, ազգանունը՝** Ավետիք Էլոյան

**2. Չբաղեցրած պաշտոնը՝** ՀՀ քաղաքաշինության կոմիտեի նախագահ

**3. Գործուղման վայրը և ժամկետը՝** Մոսկվա (Ռուսաստանի Դաշնություն), 2018 թվականի նոյեմբեր 27-ից 28-ը

**4. Հրավիրող կողմը՝**

ԱՊՀ անդամ-պետությունների շինարարության ոլորտում համագործակցության միջկառավարական խորհուրդի և Ռուսաստանի Դաշնության շինարարության և բնակարանային կոմունալ տնտեսության նախարարություն:

**5. Գործուղման նպատակը (աշխատանքային որ խնդրի լուծման համար էր նախատեսված գործուղումը)՝**

Նստաշրջանում ամփոփվեց կառույցի 2016-2018 թթ. աշխատանքները: Օրակարգում ներառված հիմնական հարցերից են եղել՝ ԱՊՀ երկրների ոլորտային կառույցների համագործակցությունը շինարարության նորմատիվ բազայի զարգացման, սեյսմակայուն շինարարության նորմատիվ փաստաթղթերի ներդաշնակեցման, և գնագոյացման նոր մեթոդաբանության մշակման թեմաները:

**6. Քննարկված թեմաները՝**

Խորհրդի նստաշրջանն անցկացվել է «Քաղաքների և բնակավայրերի կայուն զարգացում» Միջազգային տեխնիկական կոմիտեի և «Խելացի քաղաքներ կայուն զարգացման համար» Համառուսական համաժողովի աշխատանքների շրջանակներում:

**7. Հանդիպումներ, ելույթներ, բարձրացված կամ քննարկված հարցեր՝**

Խորհրդի նստաշրջանին հանդես եմ եկել զեկույցով, ներկայացնելով «Ճարտարապետական գործունեության մասին» ՀՀ օրենքը:

Իմ կողմից նշվել է նաև, որ թեև Հայաստանի Հանրապետությունում քաղաքաշինական գործունեությունը կանոնակարգվում է «Քաղաքաշինության մասին» ՀՀ օրենքով և մի շարք իրավական ակտերով, այնուամենայնիվ, ճարտարապետական գործունեության հետ կապված որոշ հարցեր հստակեցնելու կարիք են ունեցել: Օրենքի ընդունմանը նախորդել է ճարտարապետական գործունեության ընթացքում ծագած խնդիրների, ինչպես նաև միջազգային փորձի խորը վերլուծությունը, օրենքի ընդունման հետ կապված կարևոր իրավաբանական և սոցիալ-տնտեսական գործոնները՝ Հայաստանում ճարտարապետի կարգավիճակի սահմանումը, ճարտարապետական գործունեության միջավայրում առողջ մրցակցության ստեղծումը:

Նստաշրջանին ընդունված մի շարք որոշումների թվում՝ ԱՊՀ երկրների քաղաքաշինության ոլորտի գերատեսչություններին հանձնարարվել է ուսումնասիրել հայաստանյան փորձը՝ ուղղված ճարտարապետական գործունեության դաշտը կարգավորելուն:

Հանդիպումներ են տեղի ունեցել Ռուսաստանի Դաշնության շինարարության և բնակարանային կոմունալ տնտեսության նախարար՝ Վլադիմիր Յակուշևի, Բելառուսի Հանրապետության ճարտարապետության և շինարարության նախարար՝ Դմիտրի Միկուլենկոյի, Ղազախստանի Հանրապետության քաղաքաշինության և բնակարանաշինության կոմիտեի նախագահ՝ Մարիաբաթ Ժայեմբետովի, ԱՊՀ անդամ-պետությունների շինարարության ոլորտում համագործակցության միջկառավարական խորհրդի գլխավոր քարտուղար Ալեքսանդր Մյասնիկովի և այլոց հետ:

**10. Գործուղվող - Ավետիք Էլոյան**

**11. Ստորագրությունը, ամսաթիվը -**

**30.11.2018 թվական**

